



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Petri De Dusburg, Ordinis Teutonici Sacerdotis, Chronicon
Prussiae**

Petrus <de Dusburg>

Francofurti ; Lipsiae ; Regiom. Pruss., 1679

Cap. XCVI. De Bello fratrum de Kunnigsberg contra Sambitas, & primo
contra territorium Quidenovv.

urn:nbn:de:hbz:466:1-11850

*Poppo de Ofterna VI. Magister Gen. Ord. Teutonici.
Helmericus de Reichenberge VI. Mag. Prov. in Prussia*

cium, qui adhuc firmus stans in primo proposito ait: adhuc hodie Sambitæ occidentur, vel terra aperiet os suum, & sicut Dathan & Abiron de glutiet eos vivos, & sicut prædixerat factum est.

CAP. XCV.

De

Fidelibus Sambitis, qui fratribus de Kunnigsberg adhaeserunt.

NEc adhuc vexatio ista dabat intellectum Sambitis redeundi ad S. Matris Ecclesiæ gremium, sed erecta cervice contra Domini flagella in iracundiam concitati sunt, & contra fratres ad bellum durissimum provocati. Præter paucos viros præclaros genere & Nobiles, qui relicta domo paterna venerunt successivè ad Castrum Kunnigsberg cum omni familia sua, & fratribus fideliter adhaeserunt.

CAP. XCVI.

De

Bello fratrum de Kunnigsberg contra Sambitas, & primò contra territorium Quedenovv.

NAlubo filius Scledonis de Queden vir ferocis animi & indomiti cordis, tamque presumptuosus, astimans verecundiam, si tam citò fratribus subderet Collum suum, noluit sequi parentes suos. Unde fratres commoti, dum vellent cum Exercitu procedere contra ipsum, germanus ejus scil. Wargullo miserans

reme-

*Poppo de Osterna VI. Mag. Gen. Ord. Teutonici.
Helmericus de Reichenberge VI. Mag. Prov. in Prussia.*

temeritatem adolescentiæ suæ, de fratrum licentia processit, & dixit ad eum: Nalubo Maledicte, nunc surgas & sis vagus & profugus de terra tua, quia non obedisti voci nec & parentum tuorum, alioqui fratres & armigeri eorum, qui jam veniunt, te occident. Qui fugiens secessit ad territorium Scoken Vicinum & evasit ipse solus; sed tota familia domus suæ & substantia fuit à fratribus dissipata. Tandem idem Nalubo fatigatus crebris impugnationibus se fidei subjecit, & sanctus fuit vir fide & conversatione laudabilis.

CAP. XCVII.

De

Difficultate deferendi Victualia ad Castrum Kunnigsberg.

PRutheni in malitia sua obstinati cogitaverunt, quomodo Castrum Kunnigsberg destruerent, locum scilicet illum, quem Dominus ad laudem & gloriam nominis sui prælegit. Unde Ulciscens in omnes ad inventiones eorum, machinationes, quascunque attentaverunt, in nihilum redegit. Considerantes itaque Prutheni, quod Castrum Kunnigsberg violenter non posset expugnare, tanquam viri experti & subtiles in bello ordinaverunt multas naves, quibus naves fratrum ducentes victualia ad Castrum Kunnigsberg destruerent & delerent, ut deficientibus sic victualibus & ipsi Fratres deficerent. De quo Commendator & fratres turbati miserunt occultè quendam virum, qui dictas naves terebro perforavit, & hoc totiens iteravit, quod fatigati laboribus & expensis ab impugnatione navium fratrum, quarum multas destruxerant, captis hominibus & occisis, desistere sunt conati.

CAP.